

Na osnovu člana 16. Zakona o izmjenama i dopunama zakona o srednjoj školi (Službene novine SBK br. 17 od 30. decembra 2004. godine), Vijeće učenika SMŠ „Zijah Dizdarević“ Fojnica na sjednici održanoj 09.02.2010. godine, donosi:

STATUT VIJEĆA UČENIKA SMŠ „ZIJAH DIZDAREVIĆ“ FOJNICA

Član 1.

1.1. Statut Vijeća učenika SMŠ „Zijah Dizdarević“ Fojnica (u daljnjem tekstu Vijeće) definiše strukturu, svrhu i ciljeve rada Vijeća učenika. Statut se može izmijeniti glasanjem dvije trećine članova Vijeća.

Član 2.

Struktura Vijeća

- 2.1. Vijeće se sastoji od onoliko članova koliko date školske godine SMŠ „Zijah Dizdarević“ (u daljnjem tekstu Škola) ima odjeljenja i to minimalno po jedan predstavnik svakog odjeljenja. Mogućnost prisustva na sjednici Vijeća i pravo kandidature za rukovodstvo Vijeća imaju svi učenici škole. Predstavnici u Vijeću će se birati na početku školske godine (septembar) i ti izbori će biti otvoreni za sve učenike.
- 2.2. Nakon odabira predstavnika u Vijeće učenika, na prvoj konstituirajućoj sjednici izabraće se predsjednik, zamjenik predsjednika, sekretar i blagajnik Vijeća. Svaki razred ima pravo samo jednog glasa. Osoba koja javnim glasanjem članova Vijeća dobije najveći broj glasova biće imenovana predsjednikom. Pozicija zamjenika predsjednika, sekretara i blagajnika bira se istim principom.
- 2.3. Mandat predsjednika i zamjenika predsjednika traje jednu školsku godinu, uz mogućnost ponovnog izbora i produženja mandata na još jednoj školsku godinu. Isto vrijedi i za ostale funkcije u vijeću.
- 2.4. Vijeće može imenovati kontakt osobu, komisiju ili sekciju koja bi bila odgovorna za rad na nekim specifičnim projektima i pitanjima od važnosti za školu. Imenovane osobe o svojim aktivnostima odgovaraju Vijeću.

Član 3.

Svrha i ciljevi

3.1. Cilj Vijeća učenika je da saraduje s Upravom i učenicima Škole, te drugim subjektima, a u cilju poboljšanja društvenih i nastavnih uvjeta za sve učenike Škole i to putem:

- Zastupanja interesa učenika u kontaktima sa Upravom Škole i ostalim pravnim subjektima, a u cilju osiguravanja poštivanja prava i interesa učenika.
- Organizacijom projekata/aktivnosti u, i izvan škole, kad i ako su isti od izravnog interesa za učenike.
- Poticanjem saradnje između učenika i nastavnika Škole, te saradnje sa učenicima drugih srednjih škola.
- Promovisanjem demokratskih načela, ljudskih prava, te zalaganjem za razvoj civilnog društva.
- Unapređenja nastavnog procesa i pomoći učenicima koji pokazuju slabije rezultate u nastavi.
- Uključenjem što većeg broja učenika Škole u rad i aktivnosti Vijeća.

Član 4.

Prava i obaveze članova Vijeća učenika

4.1. Sjednice Vijeća učenika zakazuju se najmanje jedanput mjesečno, za vrijeme trajanja nastave, a i češće po potrebi.

4.2. Članovi Vijeća imaju pravo i obavezu da sudjeluju na svim sastancima Vijeća. Članovi će biti obaviješteni o sastancima Vijeća, najmanje tri radna dana prije održavanja istih. Članovi imaju pravo glasa po svim pitanjima od interesa, dokle god lično prisustvuju toj raspravi. Zagarantovano im je pravo slobodnog iznošenja mišljenja na sastancima Vijeća, a ista imaju u potpunosti saslušati ostali članovi Vijeća. Članovi će se međusobno poštovati i zajedno raditi na provođenju odluka Vijeća.

4.3. Ukoliko neki član propusti tri uzastopna zasijedanja Vijeća i pritom ne priloži predsjedniku Vijeća opravdani razlog odsustva u pismenoj formi isti će odmah biti smijenjen sa funkcije i na mjesto te osobe dolazi novi predstavnik datog odjeljenja.

4.4. Predsjednik vodi sastanke Vijeća, predstavlja Vijeće u izvanškolskim kontaktima, te je potpisnik na svim zvaničnim dopisima Vijeća. Predsjednik ima status posmatrača na sjednicama Upravnog odbora škole. Zamjenik predsjednika je pozvan da prisustvuje svim sastancima na koje ide i predsjednik (osim sjednice Upravnog odbora škola). U odsustvu predsjednika, njegov zamjenik predstavlja Vijeće. Predsjednik podnosi izvještaje i odgovara za svoj rad Vijeću.

- 4.5. Sekretar koordinira sveobuhvatne dužnosti Vijeća – zakazuje i organizira sjednice Vijeća, uključujući i izradu dnevnog reda istih (u dogovoru s predsjednikom i zamjenikom), vodi zapisnik na sjednicama, vrši evidenciju prisutnih, te vrši pripremu nacrtu odluka za usvajanje na sjednicama Vijeća. Sekretar je također zadužen za održavanje oglasne ploče Vijeća, čime se ima za cilj upoznati učenike o odlukama Vijeća.
- 4.6. Blagajnik blisko surađuje s računovodstvom Škole po pitanju prikupljanja informacija o приходima i rashodima Vijeća. Blagajnik planira potrebni budžet za ostvarenje namijenjenih aktivnosti Vijeća i vodi brigu o finansijskim pitanjima tokom realizacije projekata Vijeća. Blagajnik podnosi izvještaje i izravno odgovara Vijeću.

Član 5.

Donošenje odluka

- 5.1. Odluke se donose većinom glasova od ukupnog broja članova Vijeća (promjena statuta zahtjeva dvotrećinsku većinu). Ako se dogodi da po nekom pitanju bude jednak broj predstavnika koji su za i onih koji su protiv u tom slučaju se usvaja odluka za koju je glasao predsjednik Vijeća. Sekretar je dužan objaviti donesene odluke na oglasnoj ploči Vijeća.
- 5.2. Vijeće može raditi u užem sastavu kada se vrše pripreme sjednica Vijeća i razmatraju druga pitanja iz domena rada Vijeća bez prava donošenja konačnih odluka. Uži sastav Vijeća čine predsjednik, zamjenik predsjednika, sekretar.
- 5.3. Učenici imaju rok sedam dana od objavljivanja odluke na oglasnoj ploči uložiti žalbu predsjedniku Vijeća učenika. Žalba se predaje u pismenoj formi uz objašnjenje razloga za podnošenje iste. Žalba mora biti popraćena peticijom, potpisanom od strane najmanje pedeset učenika, s naznakom imena osobe koja zastupa interese potpisnika peticije. Predsjednik ima rok od sedam dana od ulaganja žalbe da sazove sjednicu Vijeća. Tom prilikom će tražiti od predstavnika potpisnika žalbene peticije da se izjasni o tekstu sporne odluke Vijeća. Odluka Vijeća o uloženoj žalbi se donosi punom dvotrećinskom većinom glasova. Donesena odluka, po uloženoj žalbi, treba biti objavljena na oglasnoj ploči Vijeća.
- 5.4. Drugostepenu žalbu je moguće uložiti direktoru Škole uz priloženu peticiju potpisanu od strane najmanje stotinu učenika, a u roku sedam dana od dana objavljivanja sporne odluke Vijeća na oglasnoj ploči. Žalba se predaje u pismenom obliku uz objašnjenje razloga podnošenja iste, dok peticija, pored imena njenih potpisnika, mora sadržavati i ime učenika koji predstavlja interese potpisnika peticije. Direktor će obaviti razgovor o spornom pitanju s predsjednikom Vijeća učenika i osobom koja predstavlja interese potpisnika peticije, te donijeti konačnu odluku o uloženoj žalbi u roku od sedam dana od podnošenja žalbe. Konačna odluka će biti objavljena na oglasnoj ploči Vijeća.

5.5. Predsjednik, zamjenik predsjednika, sekretar i blagajnik Vijeća učenika mogu biti smijenjeni dvotrećinskim tajnim glasanjem članova Vijeća. Pravo na izglasavanje nepovjerenja osobi koja vrši neku od navedenih dužnosti ima svaki član Vijeća. U slučaju izglasavanja nepovjerenja rukovodstvu Vijeća ili pojedincu vrše se vandredni izbori za popunjavanje tog upražnjenog mjesta.

Član 6.

Završne odredbe

6.1. Ovaj statut Vijeća učenika SMŠ „Zijah Dizdarević“ Fojnica stupa na snagu danom usvajanja na sjednici Vijeća.

Potpis direktora Škole:

Potpis predsjednika Vijeća:
